

隨州志卷六

城池

自易有王公設險之說而金城湯池允資保障况隨控冥阨之塞當豫楚之衝爲自古用武所必爭雖六宇敕安金甌永奠而安不忘危崇墉浚壑備豫不虞謂非守土者之責歟

隨州城在隨城山北七里涓水遶其南卽魏周以來故址其以築城書者見於宋知隨州吳柔勝自是廢興不可考德安府志云隨州舊土城明洪武二年守禦鎮撫李

隨州志

卷六 城池

三七

富等始作磚城以南畔湫下徙而北者半城周六百二十五丈計三里一百七十步高二丈五尺南西北三門各建樓南樓右有鐘樓爲敵舍二十三女墻九百五十嘉靖三十七年知州孫銳重修崇正十四年毀於賊十五年春知州盛世才練總張國威奉檄修築城五門門各有樓舊有南西北三門明嘉靖中僉事鄭汝舟闢小南門曰文明門樓曰青雲樓

國朝乾隆二十年知州金嶒闢東門

國初承明季兵燹之餘人烟寥落因扃西門至雍正十三

年知州錢家暨以城西街市漸盛於是復開以便出入
乾隆元年知州王臣閉小南門城內外居民咸以爲不
便三年開小南門復閉西門二十年知州金嶸再開西
門又自闢東門而小南門如故

嘉慶初城垣坍塌數處白蓮教匪之亂居民粗施補葺道
光二十五年知州梁芸滋勸捐重修基址崇擴倍增入
土基寬一丈二尺深七八尺不等出土寬八尺卧磚逐
層收減高二丈有奇寬三尺覆以石周六百三十二丈
計三里二百四十武爲堞九百三十每堞高五尺寬六

隨州志

卷六 城池

三八

七尺有差空濶二尺六寸內隍土薄礪濠土入城培之
馬道均并轡有餘自東南角至西南角長一百五十一
丈堡以磚石高四五尺寬稱之由東門沿北而西土隍
高一丈五六尺寬厚相埒女牆高足蔽人知州勞光泰
金雲門相繼經理咸豐元年始葺其事

城五門知州金雲門題南曰迎薰小南門曰文明北曰拱
辰東曰近聖西曰阜成南北二門周以月城東西北小
南門各建樓二層南門建樓三層咸豐六年十一月土
匪趙邦璧滋事燬大南門樓十一年粵匪踞城北門樓

燬於賊官軍圍攻西門樓轟倒無存小南門東門二樓亦半就頹廢

同治元二年知州馬元驤夏先娘潘亮功先後設守閉東西北三門其上各造敵舍周圍修立更棚二十炮臺十二小南門增修月城添置閘板隨時啓閉自東門外沿南而西均築牛馬牆

七年重修南門樓二層高五丈三尺周廣十五丈二尺濠周城外共七百丈五尺深一丈成化十五年判官孫益等重濬其西北爲隄五十七丈以防北來諸溪之水

隨州志

卷六 城池

三九

府志載正德中百戶張瑄朱元判官孫益開鑿按孫益於成化九年到任張瑄天順四年襲職其濬濠事當依舊志作成化十五年爲是

同治二年知州夏先娘傳集各甲民夫分段挑濬自東門起至西門接虹橋止長一百八十四丈濠外房基擴入寬四丈五尺深二丈九尺

三年知州潘亮功於濠四周建閘五所水有蓄洩高低循環每當春夏水漲汪洋一片不異重湖西北歲豐橋長隄一律修築

外土城卽元時舊城其高廣丈尺無可考明初潰水泛溢城南爲患宏治十三年知州李充嗣築隄以禦水起自城西隅環而南至城東隅周五里許復爲垣於堤上以爲外城設東西南三門門各有樓嘉靖中城圯三十七年知州孫銳重修

府志云設外關門四而州志只言三門蓋此時築堤建城原因水患潰水只泛城南故建築多在南隅北接磚城不復有北門也今城廢堤存

同治四年城外居民因東西南三關房屋盡燬於賊議築

隨州志

卷六 城池

四十

土城爲捍衛計認段捐築周一千零六十丈計五里三分西南高三丈東高二丈五六尺不等上銳六七尺下廣一丈二三尺東西隅駕濠爲牆直接內城重建龍會霖雨二門漢東門樓亦蓋造一新又於霖雨門外市南北同設關鍵崇墉屹立隱然爲內城保障

東關路達萬家店通信陽州小道其門曰小東門門上有樓曰龍會又有聚奎陽和兩門並峙其下今樓廢三門存

西關路達安居店通鍾祥縣大道其門曰小西門門上有

樓曰霖雨門又有玉波順德兩門並峙其下今樓廢三門存

南關路達光化舖爲德安府大道其門曰漢東門門上有樓曰漢東大郡又有襟漢樓在大街之中俱明李充嗣建

按襟漢樓俗名過街樓與道光二十九年知州金雲門建修之帶瀆閣俱廢

北關在磚城之北土城周二里許其門曰小北門嘉靖二十五年僉事鄭汝舟建路達厲山店爲棗陽縣大道嘉

隨州志

卷六 城池

四一

靖三十七年知州孫銳重修

按北外城不知何時始有府志云明洪武初以南畔湫下城徙而北者半故宏治中李充嗣所營止在城南舊志北外關別有土城周二里則非充嗣所築矣其門爲嘉靖中關築城當在嘉靖前府志又云嘉靖三十七年知州孫銳於廓外築磚城高丈餘周十里樓六座以防水盜州志不載亦無遺蹟可驗詢諸土人莫能指其處舊土城南得五里北得二里許合今磚城計之正得周十里數其所謂磚城者或言昔時皆版築易壞孫公乃

椎土爲磚徑二尺城始堅今頽基土磚猶歷歷可辨外羅濠周土城外深濶與內濠同明嘉靖中知州朱天秩鑿州城水法爲腰帶水有二源一從紫城山一從礮山皆西南流至城東北合爲濠水逕城東又南逕南關過通津橋分支南出過小通津橋二水俱折而西北流爲西濠由玉波門外石橋會西來歲豐橋之水折而南過小石橋入魚尾溝卽今所謂乾溝也又西南流出魚口入湏年久水斷朱公天秩乃於舊濠之外別穿一渠道東北來之水使注舊濠於是水復故道州人分稱之曰

隨州志

卷七 城池

四二

頭濠二濠其後兩通津橋水漸塞不知何時於滾山南開新渠導水逕城北濶家橋爲五眼橋反水西流直出歲豐橋入湏非當年故道矣

濶家橋卽高家橋

同治四年城外居民濬挑土城外濠闢治陡峻東起近聖門沿南漢東門訖西霖雨門周一千四百丈有奇濶六七丈外堤高一丈五尺內堤高三丈以上水深一丈三尺收納溝渠各水五眼橋巨流直注出魚尾溝入河

附

合河巡檢司新城在州北一百九十里合河店其地接壤

信陽桐柏山深林茂易爲盜藪明初建城以資防禦萬
曆三十九年知州王納言巡檢潘應嗣重築城高一丈
周一百六十丈南北爲二門門各有樓爲瞭望戍宿之
地納言有重建合河新城記載藝文今圯